

¡BOMBA!

Dice el pueblo sin tapujos:
“con menos legisladores,
no es que resulten mejores;
pago menos por sus lujos”.



K'uintsil

Jueves 26 de febrero de 2026

CAMPECHE · YUCATÁN · QUINTANA ROO · AÑO 11 · NÚMERO 2672 · www.lajornadamaya.mx

Kaxta'ab ti' argentinail Patagoniae' u foosilil juntúul ti' u asab chichinil díinosauryóo yanchajij



W alkil 95 miyoonasil ja'abo'obe', jaytúul nukuch díinosauyo'obe' ku máabo'ob xiinximbal tu k'áaxil argentinail Patagonia, ichilo'obe' le jak'be'en janal bak' Giganotosaurus, ku aaltal ka'ach tak waxakp'éel tóoneladaob, yéetel xan nuxi' chowak kaal janal xi'w Argentinosaurus, ku aaltal tak 70 tóoneladaob.

Ba'ale' le je'elo', ma' chéen u lu'umil nukuch ba'alche'obi', je'el bix u yila'al ti' foosilo'obi'. Ajxak'al máako'obe', tu kaxto'ob u óoli' chuka'an yéetel ts'aka'an

baakel juntúul ti' le díinosauriob maas jach chichan ojéelta'ab yanchaj ti' yóok'ol kaab, k'aaba'inta'ab Alnashetri cerropoliciensis.

U nojochile' je'ex ti'al juntúul kuerbóo, yéetel miiin ku máan u chuk mejen ba'alche'ob je'el bix áayimo'ob, kaan yéetel uláak' ba'alche'ob.

Ka'aj kaxta'ab foosile', u baakele' je'el bix ka'aj kuxlaj yaniki', ts'o'oke' lelo' ku ts'áak u páajtalil u yojéelta'al uláak' ba'alo'ob yóok'olal alvarezsaurios, jump'éel u baatsil díinosauriob ma' jach suuk u yila'ali', ti' junmúuch' k'aaba'inta'an terópodos, tu'ux táaka'an tak díinosauriob jaantik bak'.

Le jejeláasila', pata'ab u k'aaba' beey "Alna", yéetel ti' jpáana'ab tu áareniskail jump'éel yáasimiento ku k'aaba'tik La Buitrera, tu chan kaajil Río Negro, tu xamanil Patagonia, tu'ux kaxta'an uláak' ya'abach foosilo'ob mejen ba'alche'ob ti' u jats k'iinilo'ob Cretácico.

Alnae' juntúul chichan xch'upul ba'alche' kaja'an tu'ux yaan tikil lu'um, yéetel jkiim ka tu chukaj kamp'éel u ja'abil, le beetik óoli' chúuka'an úuchik u xuulchajal. Ka'aj kiime', u wiinkilal Alnae' jmu'uk tumen jump'éel u wiitsil áarena, le beetik jach ma'alob ts'aka'an úuchik u p'áatal.